

Universitätsbibliothek Paderborn

**Joannis Pierii Valeriani Bellunensis Hieroglyphica, Sive De
Sacris Ægyptiorum Aliarumque Gentium Literis,
Commentariorum Libri LVIII**

Valeriano, Pierio

[Lipsiae] ; Francofurti Ad Moenum, 1678

Perditio.

urn:nbn:de:hbz:466:1-14259

A Quemadmodum autem fontesque fluviique omnes in mare decurrunt, ita nos dictiois ordo devexit in pelagus. Ut vero loco hoc ea prætereamus, quæ multa super mari ex Agyptiorum doctrina in Pisce differimus: contenti nunc erimus aliquot locis, quos ex Divinis literis eruemus.

PERDITIO. CAP. XXIV.

D Id vero cum primis proprium est maris significatum, ut perditionis indicium sit, ob ipsam quippe profunditatem: utpote quæ idonea admodum sit ad suffocandum. Quanquam alia de causa Mare apud Agyptios pro pernicie ponebatur, ut suo loco docuimus. Quod ad perditionem attinet, eo significato Theologi Prophetam ajunt Psalm. xvii. canere, se de aquis multis educatum. Passim vero interpres, Exundans flutus pro calamitatibus excessu accipiunt: & per turbulentas aquas (uprema quadam doloris ostenditur vehementia, quæ omnem respirandi facultatem exuperat: ut Psalm. 68. affixum se clamat in profundo luto, unde nulla se vi possit expedire, rapidissimis demum vorticibus adyrorum, in imam maris sedem dejectum esse: in quem usque locum tempestas etiam accedit, quæ arenas omnes æstu commiscat atque perturbet, qua quidem nulla major describi potest inquietudo: primo enim aquarum, in quas deciderit, ponit altitudinem, mox limum cui affixus inhæscat, inde maris amaritudinem, & immensas undas, postremo eas saxis tempestatibus agitas: merito itaque paulo post se de profundo hujusmodi liberari supplicat, ne tanta rerum vexatus perturbatio ne deficiat.

HOSTILIS IMPETUS. CAP. XXV.

A Pud eundem hostilis impetus, & subitaria quædam oppressio, per aquam indicatur, Psalm. 123. *Demosphene* Cam exacerbatus eorum furor innos debacchartur, sane aqua demersisset nos, quod ut magis exasperat, addit; Torrentem pertransivit anima nostra, ubi impetuos inexpectatosque hostium infultus incurso repentina prouentes, torrenti turgido comparavit, quem tamen auxilio Dei fretus tuto pertransierit: & quasi parum adhuc dixisset superaddidit: Sane pertransivit anima nostra aquam intolerabilem, ingentes quippe rerum difficultates atque pericula. Tale aliquid apud Maronem legas:

Diluvio ex illo tot vasta per aquora vesti.

C Idemque alibi nubem bellum dixit, utrumque desumptum ex Pindaro. In Isthmiis enim cō πολυφθέων οὐλαμις διός οὐλεών. & alibi ὅτις εἰσήγαγε την Φέλα. Apud oratores historicosq; turbines & procellas sepe pro bello positas invenias. Causa vero cur aqua vehementiores indicet arumnas, ea est, quod pericula casusque reliqui corpus soleant ex una aliqua parte labefactare: aqua vero universo statim corpori circumfusa, omnibus evestigio membris impedimento est, atque undique oggerit difficultatem atque molestiam.

ARUMNA. CAP. XXVI.

H Inc Psalm. 87. ubi legitur: Omnes flutus tuos induxi nisi super me, interpretes per fluctus, perturba- *Metaphors* tiones & arumnas omnes intelligunt, quæcumque affligere possunt humanum genus, quibus omnibus Christi esset humanitas obnoxia: in ejus enim persona dictum id autumant. *Fluctuare au-* tem verbum sepe pro Perturbari ponitur. Sedenim aliquando pro timore posita fluctuatio, ut Psal. 61. Ecce enim ipse Deus meus, & audijtor meus est, quare non amplius fluctuabo: id est, nihil est quod ul- *fluctuum,* *sic fluctuas* torius pertimescam.

DILUVIUM. CAP. XXVII.

A Ccedit huc diluvium, de quo Psalm. 28. Dominus diluvium inhabitare facit, sive ut alii reddidere, Diluvium sedat, vel, Tempore diluvii regnum obtinuit. Utcumque significatum ad humanam pertinet salutem, quoniam hic gentes intelliguntur, quæ suarum inundatione cupiditatum, in vitiorum pelago, & humanorum affectuum voraginibus demersæ detinebantur, quæ mox à Domino exceptæ servataeque sunt. Alio vero loco, Psalmo quippe 31. habetur, Diluvium aquarum multarum proxime ad eum non accedit: per hujusmodi aquas supra modum exundantes, tum scilicet excrescentia ripas flumina prætereunt, vel mare turgidum per littora spatiatur, quas supra memoravimus calamitates intelligi volunt. Ita Euthymius & plerique alii sentiunt.

PPP

ABYS.